

痢疾論卷之三

後學楊大任占儀叅闕

黎水孔毓禮以立著耕

同邑陳元節菴全校

諸證二十八

噤口

準繩云痢不納食或湯藥入口隨卽吐出俗名噤口多因邪留胃氣伏而不宣脾氣滯而不布故嘔逆而食不消也○有陽氣不足胃中宿食未消則噫而食不消也○頑主枳實理中加砂仁廣皮木香豆蔻山查麝香有肝乘脾胃發嘔

入亦反出者。

石頑戊己丸加木香肉桂。

有水飲所停氣急。

入者。

石頑曰水飲停聚心下悸動不安五苓散加薑朮。

有火炎熾內格。

石頑曰。

得入者。

石頑主黃連解毒去黃柏加枳殼木香。

有胃氣虛冷食入反出者。

石頑。

論治在後。

有胃中邪熱不入食者。

石頑曰胃虛挾熱而嘔逆不食者連理湯。

有脾胃

虛弱不欲食者。

石頑論治在後。

有穢積在下惡氣薰蒸而嘔逆食

不得入者。

石頑主大黃黃連瀉心湯加木香。

脾胃不弱頭痛心煩手足溫

熱未多服涼藥者此乃真氣上冲心肺所以嘔而不食。

石頑。

主甘草瀉心湯去大寒易土薑。此症味口有熱不可用溫法。

按張石頑遵正治準繩而代爲之擬治法而歸重于胃氣

虛冷脾胃虛弱兩條曰丹溪用人參黃連呷法但石連子

脈洪大急滑者火也。清降之。芩連枳朴之屬。有痰加半夏。生薑汁。脈滑嘔者痰也。二陳湯加薑汁。虛加參朮。寒加乾薑。熱加芩連。右脈浮弱沉細。或緩胃虛也。異功散加木香。少佐石菖蒲。若脈遲者胃寒也。理中湯加陳皮。虛而氣逆者木香異功散。脈沉滑。或右關滯澀。噫不能食者。有宿食也。香砂枳實麴蘖。或大健脾丸。胃虛挾熱不食者。其脈稍急而無力。橘皮竹茹湯。冷熱不調者。連理湯。凡邪在胸膈。必然痞滿。虛亦痞滿。然總不若實滿之甚也。

周慎齋曰。下痢以胃氣爲本。胃失生長。故惡物而不欲食。無分何物與之。遂獲愈者。胃氣勝故也。○有患痢晝夜不

及數度反發熱。心下痞悶。不能食而嘔。其有晝夜不止百
度反脉靜身涼而能食何也。曰痢之邪客于下焦。由橫連
竟傳大腸。原無反熱之理。以中焦無病。雖下痢無度。不碍
飲食。惟邪發于中焦。由橫連入胃。以胃受病。自不欲食也。

發熱二

經云下痢發熱死。此言滯下症也。仲景云下利手足不逆
冷。反發熱者不死。此言傷寒三陰寒症也。寒症嫌于無陽。
發熱者。真陽未漓。故曰不死。滯下發熱。嫌于陽亢。陰亡元
氣無主。一任邪氣之充斥。必致內外交困。故曰死也。丹溪
曰。經言身熱則死。寒則生。亦大概言之。必以兼症詳之。豈

眞者絕少。乃粵中草實僞亮大苦大寒。予嘗以藕汁煮熟。稍加砂糖頻服。兼進多年陳米稀糜。調其胃氣必效。卽石連子之意也。古治噤口痢。多有用黃連者。苦而且降。不能開提。非胃虛所宜。大抵初痢噤口。爲熱瘀在胃口。故宜苦燥。若久痢口噤不食。此胃氣告匱。非比初痢噤口。尙有濁氣可破積沫可驅。惟大劑參朮。佐以茯苓炙甘草藿木香。煨干葛之屬。大補胃氣。兼行津液。乃可耳。但得胃氣一轉。飲食稍進。便宜獨參湯。畧加陳皮。或製香附。緩緩調補。兼疏滯氣。方爲合劑。如茯苓之淡滲。木香之耗氣。于葛之行津。皆當屏除也。

朱丹溪用人參黃連粳米薑汁煎湯細細呷之神效如吐
再作服之但得一呷下咽便開按此主治濕熱在胃者也
楊仁齋用參苓白朮散加石菖蒲以道地粳米飲乘熱調
下或用人參茯苓石蓮子肉入些菖蒲與之按此主治胃
虛者也戴復菴用治中湯加木香半錢或砂仁一錢此主
治胃寒而氣逆者也準繩云在下則纏綿在上則嘔食當
認其寒則溫之熱則清之虛則補之

按痢疾不食當初病時右脉渾渾浮大或浮弦胸膈痞滿
乃濁氣上壅也宜降逆氣枳朴陳皮檳榔之屬有火兼連
香木香有食加查麴有表症者合香蘇散及對症發散藥

無身熱生而身寒死者。

按痢初起發熱多屬外邪。其候頭痛身痛。畏風寒。或熱或

熱寒相兼。撤其外邪。其熱自退。

人參敗毒散。倉廩湯。加減小柴胡湯。加味桂枝湯。慈

豉益元散。五積散。量虛寔寒熱加減選用。

又有濕熱熏蒸發熱者。其狀蒸蒸發

熱。亦能頭痛。但不甚畏風寒。或口渴或汗多。其脉滑數。不

似外邪之浮數弦緊。清其內熱。則外熱自微。不足深慮也。

黃芩芍藥湯。芍藥湯。改定聶氏方。香連丸等選用。

最忌先無熱或散之清之下之。

其熱已退。八九日忽又大熱多。係陰傷陽亢之候。爲可慮。

耳然審知腸胃熱盛。更宜清下者有之。復感外邪。更宜微

汗者有之。又有陰虛痢疾。熱在午後。或夜盛晝輕。其脉細

急熱甚者。亦顯滑數。以養陰清熱之藥調之。湯劑詳陰虛痢疾門。更有過投苦寒。攻伐虛陽。外擾發熱者。其脉空大無根。急用溫補收斂陽氣。以上諸症未定。卽死。但對症投劑。而大熱終不退者。爲必死也。有外不甚熱。自覺煩熱難支。欲去衣臥地者。此陰陽離絕之候。宜八味地黃湯十全大補湯。然多不救。

發厥三

經言痢疾身熱則死。寒則生。究竟死於發熱者。十之二三。死於發厥者。十常八九。蓋痢疾古名滯下。陽氣不得宣通。而治痢之家。知瀉而不知補。知寒而不知溫。知降而不知

升陽氣愈增秘鬱。不能分溫四體。甚至陽氣敗壞週身冰
冷。六脉沉細十難救一也。予於此症若見四末微清。卽慎
寒涼。常見痢疾將厥。必先手足微冷。始則時冷時溫。次則
冷多溫少。再則厥冷而不可治矣。故防厥逆者在將厥之
時。先進溫補。然雖用溫補。亦有時欲厥。但不至于通身逆
冷。汗注而成敗症。間有厥回而內有火者。不妨稍加清涼。
以平之。若厥未迴。不敢輕用也。至于痢症初起。原係熱滯。
未經疏散。清下。或早投補瀝。以至臟腑壅遏。經脉不通。而
肢體逆冷。六脉糊塗者。有之。其症必脹痛逆迫。或寒熱舌
胎。此則宜投峻攻。或表裏兩解等法。萬無有寒涼疊進六

脉沉細。猶謂之熱厥。猶謂之反兼勝已之化者也。然予於痢症發厥。每不敢投參附。以饒倖貪功。非不欲救人于萬一。但恐投劑不效。或徒增煩躁。反爲若輩藉口。而熱厥之說。人愈深信不疑耳。凡痢症脉浮大者。不變厥逆。沉小者。不拘遲數。易變厥逆。若四末微清。而時熱。脉弦浮急者。乃外邪未散。非厥也。以輕劑散之。加減小柴胡湯。加味桂枝湯等量。寒熱選用。手足微冷。其脉滑數有力。證顯進迫。煩渴痞滿等候。四逆散。加條芩。樸朴大黃之屬。若通身逆冷。脹滿逆迫。大柴胡湯。去半夏。兼外邪重者。防風通聖散去石膏。寒涼誤投。而厥冷無陽者。縱用參附。十難救一。若更厥冷煩燥。陰陽兩敗矣。

附案○

一涂姓痢下二三日投枳朴青皮陳芩枳木香少佐黃連而四末微冷連投建中湯而時冷時

溫連服溫劑數日方得手足全溫痢道迫脈弦急改用
芩芍而痢稍止又用補氣血藥或清補相間二旬而安
痢發厥雖人事了了能行走俱不足恃一涂姓早間發
厥能行走夜忽死○一何姓少年脹痛逆迫肢體厥冷
攻下而厥漸回○按痢疾發熱當溫補者十常八九當
攻下者十之二三非症顯逆迫痞滿煩渴等候脈見滑
數有力四逆散中何敢加連芩枳朴大黃之屬且不但
不敢下即疏散外邪必脈弦浮急然後四末微清而時
熱乃爲表症方可解表表之一字尙當審慎漫言下乎
三案中宜溫者投建中而僅得時冷時溫連服溫劑數
日方得手足全溫於此悟熱厥之症必
如何姓之脹痛逆迫方爲眞熱厥也

腹痛四

張景岳曰腹痛有實有熱有虛有寒因食積者必多脹滿
堅硬拒按因火者必多內熱等症因寒者經曰痛者寒氣

多也有寒故痛也。凡生冷過度及外授風寒皆能致痛。因虛者。凡人元氣不足。雖無因。而中氣不暖。亦寒症也。况瀉痢不止。胃氣既傷。膏血切膚。安能不痛。但察不實不堅。或可揉按。或喜暖熨。或饑不欲食。或胃脘作嘔。不見實熱等證。悉屬虛寒。

準繩云。建中湯治痢。不分赤白新久。但腹中大痛者神效。其脉急。或潛浮大。按之空虛。或舉按皆無力。是也。○石頑曰。肉桂伐肝。和脾最捷。腹痛者。少加以和之。又云。下痢腹痛。脉沉緊無熱症者。先以薑桂之類溫之。後理積滯。上言腹痛之屬乎。準繩又云。下痢膿血稠粘。腹痛後重。身熱不除。脉寒者。

洪疾者黃芩芍藥湯。上言腹痛之屬乎熱者。

按痢疾腹中痛者以芍藥甘草爲主。熱加芩連。寒加薑桂。痛在少腹者。更加吳萸。有積滯者。加厚朴。枳實。陳香。麴之屬。胃虛挾滯者。大健脾丸。氣不調者。加木香。青陳。香附。薑白之屬。血瘀者。加桃仁。玄胡。歸尾之屬。久痢血枯。加芎歸。養之。辨症加減。無不奏效。○門人問曰。腹痛以喜按爲虛。指按爲實。然否。曰。虛者。空虛。無物也。實者。食積。血蓄之類也。痛無形。可按。却非喜按。虛挾寒邪逆氣。亦拒按。蓋寒邪逆氣。亦實類也。可溫散。不可寒散。喜按喜熨者。虛寒無疑。拒按者。又有有物無物。火逆寒逆之異。記甲子秋月。

倚蘭鄧兄下痢赤白。左腹痛甚。手不可近。脉得沉緩弱小。無裏急後重。一痛卽便。便卽紅白相兼。竟用薑桂佐調氣藥。及建中湯而痊。

丹溪云。痢疾腹痛者。肺金之氣鬱在大腸之間。以苦梗發之。然後用痢疾藥。按肺氣果鬱于大腸之間。氣虛下陷者。法當補中益氣湯。以升舉之。表邪未散者。發之。升之苦梗一物。何能升發乎。又云。痢後糟粕不實。或食多。或饑甚。方食腹中作痛。以白朮陳皮各半煎服。和之自安。又云。過食而痛。損食則愈。

石頑曰。下痢日。百度精神萎頓。反不痛者。難治。此邪氣勝。

正氣微不能鼓激也。○李時珍曰。血痢已通而痛不止者。乃陰虧氣鬱。藥加川芎。氣行血調。其痛立止。

少腹熱五

少腹熱有陰虛血虛。有火逆下焦大抵痢久者多陰血虛。新病多火逆。火逆黃芩芍藥湯。陰血虛者於陰虛痢疾門揀方用之。

裏急後重六

痢疾古曰滯下。其氣逆結于下焦。故病此者若有所出。至固又無所出。離固又若有所出。進迫墜重。苦難自支。緣秋令陽氣斂降。而夏月所受暑熱之邪亦隨之下降。兼或生

冷積滯阻抑陽氣不得舒發運行。故如此耳。病者不知。謂
有一大物在肛門間。但得解出。便無病矣。醫者不明。峻行
攻下。不知大凡痢疾。未有不裏急後重者。若不裏急後重。
但下些須赤白。則似痢非痢俱多。非真痢矣。夫無形之氣。
陽也。有形之物。陰也。以無形作有形。是病在陽而攻陰也。
其可乎。凡裏急後重。有虛實寒熱之不同。仲景謂熱痢下
重者。白頭翁湯主之。丹溪謂下痢赤白。裏急後重者。香蓮
丸進退大承氣湯。此治實熱之裏急後重也。金匱方泄痢
下重者。以水五升。煮薤白三升。至二升。去粗。以四逆散方
寸七內藥中。煮取一升半。分溫再服。戴原禮曰。後重積與

氣鬱墜兼升兼消。此治不實不虛不熱不寒之裏急後重也。石頑曰。久痢後重。用三奇散。後重稍減。改補中益氣湯。禁用耗氣藥。此治虛寒之裏急後重也。又云。氣行血和。積少名虛。坐努責。乃血虛也。倍用當歸。佐芍藥生地。加陳皮以和之。血生自安。此治血虛之裏急後重也。

按裏急後重。若初病有表症者。酌量輕重。以散之。有熱滯者。黃芩芍藥湯合和血調氣等藥。或芍藥湯。聶氏方滯而無熱者。枳朴青陳木香。查葉消導之。元氣實而挾積熱者。攻之利之。或於清熱導滯藥中。加大黃。或吞百順丸。虛寒者。理中建中。佐調氣藥。寒滯者。乾薑甘草湯。加消積調氣。